

欽定四庫全書

焦氏易林卷二

賴撰

欽定四庫全書

焦氏易林卷一

漢焦贛撰

乾之第一

乾道陟多阪胡言連蹇譯瘠且聾莫使道通請謁不

行求事無功

坤招殃來螫害我邦國病傷手足不得安息

屯陽孤亢極多所恨惑車傾蓋亡身常憂惶乃得其

觀之第二十

觀歷山之下虞唐所處躬耕致教名聞四海為堯所

薦禪位天子

唐當作舜

乾蛸飛蠕動各有所配歡悅相迎咸得其處

坤繼祀宗邑追明成康光照萬國享世久長病疾不

欽定四庫全書

焦氏易林卷二

醫下即蒿蘆

此二句疑衍

屯秋冬探巢不得鵲雛銜指北去媿我少姬

蒙僮妾獨宿長女未室利無所得

需洪魚逆流至人潛去蒿蓬代柱大屋顛仆

訟日聞不明讒夫在堂右臂疾痺君失其光

師王孫季子相與孝友明允篤誠昇擢薦舉為國幹

柱

比麟趾龍身日馭三千南上蒼梧與福為婚道里平

定庫書
欽四全

焦氏易林

一

中國書局

B992.2
03
V1

014037629

漢·焦贛
撰

焦氏易林 (一)



中國書店

B992.2



03
V1

第一卷

熱刃昆林 (一)



詳校官內閣中書臣潘有為
臣紀昀覆勘

總校官候補知府臣葉佩蓀

校對官編修臣祝堃

謄錄監生臣徐騰

欽定四庫全書

子部七

焦氏易林

術數類 占卜之屬

提要

臣等謹案焦氏易林四卷漢焦贛撰黃伯思
東觀餘論據後漢小黃門譙君碑稱贛之裔
疑贛為譙姓然史傳無作譙贛者漢碑多假
借通用如歐陽之作歐羊者不一而足未可
執為確證也贛字延壽梁人官小黃令京房

師也漢書附見於房傳贛嘗從孟喜問易京房以為贛即孟氏學劉向校書以為諸易學說惟京房為異黨贛得隱士之說託之孟氏薛季宣曰漢儒傳易明於占候者如焦贛費直許峻崔篆管輅數家俱有林惟焦氏今傳於世或疑漢藝文志所載易十三家著龜十
五家不及焦氏隋經籍志始著錄唐王俞始序而稱之似乎後人所附會然薛季宣引東

觀漢記曰孝明帝永平五年少雨上御雲臺
自卦遇蹇以京氏易林占之繇曰螳封定戶
天將下雨沛獻王輔用體說卦謂螳穴居知
雨京房延壽弟子今書蹇繇實在震林則是
書之出焦氏可以不疑黃伯思記王必占程
迥記宣和紹興二占皆有奇驗亦足見專門
之學具有源流非後人所依託矣惟東觀餘
論謂易林非直日法而薛季宣浪語集第三

十卷有易林序則以為易林正用直日法辨
伯思之說為謬並為圖例以明之其說甚辨
此書隋唐宋志俱作十六卷今本四卷不知
何時所併也乾隆四十九年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

焦氏易林卷一

漢焦贛撰

乾之第一

乾道陟多阪胡言連蹇譯瘠且聾莫使道通請謁不行求事無功

坤招殃來螫害我邦國病傷手足不得安息

屯陽孤亢極多所恨惑車傾蓋亡身常憂惶乃得其

願雌雄相從

蒙 鵠鵠鵠鵠專一無尤君子是則長受嘉福

需 目睟足動喜如其願舉家蒙寵

訟 龍馬上山絕無水泉喉焦脣乾舌不能言

師 倉盈庾億宜種黍稷年豐歲熟民人安息

一作國
家富有

人民蕃息與比
之升坤之恒同

比 中夜犬吠盜在墻外神明祐助消散皆去

小畜 据斗運樞順天無憂所行造德與樂並居

履空拳握手委地更起富饒豐衍快樂無已
泰不風不雨白日皎皎宜出驅馳通理大道
否載日晶光駭駕六龍祿命徹天封為燕王
同人子號索哺母行求食反見空窠訾我長息
大有上帝之生福祐曰成修德行惠樂且安寧
謙山險難登澗中多石車馳轉擊載重傷軸擔負差
躓踈跌右足

豫禹鑿龍門通利水源東注滄海民得安從

一作存

隨 乘龍上天雨蛇為輔踴躍雲中遊觀滄海民樂安

處

蠱 彭祖九子據德不殆南山松柏長受嘉福

臨 南山昊天刺政關身疾悲無辜背憎為仇

觀 江河淮海天之奧府衆利所聚可以饒有樂我君

子

噬 嗑 堅冰黃鳥常哀悲愁不見其粒但見藜蒿數驚

驚鳥為我心憂

賁室如懸磬既危且殆早見之士依山谷處

剥大禹戒路蚩尤除道周匝萬里不危不殆見其所
使無所不在

復三人為旅俱歸北海入門上堂拜謁主母飲勞我

酒

无妄傳言相誤非于徑路鳴鼓逐狐不知跡處

大畜三年爭妻相逐奔馳終日不食精氣勞疲

頤純服黃裳戴上以興德義既生天下歸仁

大過 桀跖並處人民愁若權兵荷糧戰於齊魯

坎 黃鳥來葉既嫁不答念我父兄思復邦國

離 胎生孚乳長息成就充滿帝室家國昌富

咸 三人求橘反得大栗女青以富黃金百鎰

恒 東山西岳會合俱食百家送從以成恩福

遯 眇難無距與鵠交鬪翅折目盲為鳩所傷

大壯 卻大墻壞蠹衆木折狼虎為政天降罪罰高弑

望夷胡亥以斃

晉 三癡俱走迷路失道惑不知歸反入患口

明夷 弓矢俱張把彈折絃丸發不至道遇害患

家人 三女求夫不見復闕伺候山隅長思憂歎

睽 陽旱炎炎傷害禾穀穡人無食耕夫歎息

蹇 騎牦逐羊不見所望徑涉虎廬亡羝失羔

解 暗昧冥語相傳註誤鬼魅所含誰知臥處

損 姬姜祥淑二人偶食論仁議福以安王室

益 公孫駕驪載聘東齊延陸說產遺季紵衣

夫孤竹之墟失婦亡夫傷於疾藜不見少妻東郭堂

姜武氏以亡

亡音無

姑仁政不暴鳳凰來舍四時順節民安其處

萃任劣力薄孱驚恐怯如蝟見鵲不敢拒格

升衛侯東遊惑於少姬亡我考妣又逝不來

困噂噂所言莫如我垣歡喜堅固可以長安

大有之屯

井龜鳴岐山鼈應山淵男女媾精萬物化生文王以

成為開周庭

成一作寧

革 玄黃虺隤行者勞疲役夫憔悴踰時不歸

鼎 弱足則跟不私出門市賈不利折亡為患

震 懸貮素餐居非其安失輿剥廬休坐徒居

艮 民怯伐惡姦人所伏寇賊大至入我邦郭妻子係

獲 一本為
歸妹辭

漸 陽低頭陰仰首水為凶傷我寶進不利生其子

歸妹 背北相憎心意不同如火與金 一本為
艮辭

豐 大微帝室黃帝所值藩屏固衛不可得入常安無